

www.BibleForChildren.org


Matiu 8



Ghalua nau ghe lange sio me Meri, kinna Iesu, ghe siola tale nisigha ngateae tale masaliki eteae eKena ta pai nge Galilii. Laghe aloanna va Iesu me kapuna disaepolo atoa la usi sio tale nisigha ngateae.




Nau uaeni ghe kapala, kinna ghe lao sio tani auliaa ta lesu va, “Uaeni ange kapala.” Kinna ghe uela ta tau ngai nongonongo anna atoa va, “Am ghelei saa voto eauliaa etaimim.”



lesu ghe uela ta tau ngai nongonongo
anna atoa va, “Am aku kaai manu esae
pasu tale aikaai manu.” Me laghe gheleila
voto ghe auliaala.



Me lesu ghe mene uela va, “Am akula
righi me am laa tau ta lo ateva eaaitoiaa
ninamanama atea.” Tau ngai nongonongo
anna atoa laghe gheleila voto lesu ghe
auliaala.



Taumattu ngateva ghe aaitoiaa ninamanama atea ghe tootoongala manu ang ghe uaenila. Karika ghe kilala va eaa laghe ghaala; tau ngai nongonongo anna atoa laghe akula manu, ila nonga laghe kilala.



Vara me tau ngaitoi ninamanama atea e ghe kolola lo ateva taita ghe laila, me ghe uela etana va, “Ila akapa taumattu ngatoa la ghaaikoita ngakasina masi uaeni, me nau taumattu ngatoa la ropiropi, me nannaaira ange aisavisavilaala, me la vira mene tautau lao llo uaeni karika tani masina. Me io, uarongi etokala masinaaili uaeni, me angu vira mene maeaa sio.”



Ia o niaimatoongana ateva Iesu ghe gheleiela,
aitiutiu ia tale isaa akapa
niaimatoonga. Ghe gheleiela
eKena ta pai nge Galilii.




Tale ia o nau eteva Iesu ghe apasungaala sarasarakaniaane, me kapuna disaepolo atoa laghe aiesoala etana.



Nau eteva Iesu ghe rekatala tanganue
Pita, ghe tarala alumuna vause ateva
Pita ghe asoaso tale komo, me vilikina
ghe aanasa me matana ghe
valavalanga.



lesu ghe posola nimane, me mata valavalanga ateva
ghe kapala, me ghe totu saela me ghe kaisila anna
inana.




Ang ghe aaitarrauii poli sinaka ateva ang ghe suula, me taumattu ngatoa laghe maeaa sio ta lesu lo akapa atoa tau sessa ila me tee taumattu raroai etoa laghe tokatoka ta ngetaira. Taumattu ngakapa atoa tale masaliki eteae laghe velu eitauaala tale paa ngatamana atea tale ale ateva.



lesu ghe ghelei emasinala oroi tau sessa atoa, me ghe
tiu vella oroi raroai etoa. Raroai etoa laghe kilakilaia,
liuna avalua o me ghe pao rungainilala va karika la
mene sama.



Me oroieili taumattu angila ghe paepaea tani nim tulia,
poli sarasarakana ghe kasukasu etana, me ghe ghelei
emasina akapailala.



Katoa taumattu laghe maeaa sio kateva taita,
karakanna ia, ta Iesu. Ghaata etaira laghe saue mae
sio.



Pasueili ale ateva, me karika laghe roorroo tani laoa ngakalakalaa tau sessa ateva ta Iesu. Liuna avalua o me laghe saula tau sessa ateva, me laghe saeainiela tale pungani ngale ateva, Iesu ghe tokatoka elome etana.



Laghe ghaa vella kasina aiaakou
tale pungani ngale ateva, me
laghe tau siola tau sessa
ateva tale komona atea
elome tale
ale ateva.



lesu ghe tarala uneira niaikaaiaa va namuu,
me ghe uela ta tau sessa
ateva va, “Natughu, kalum
ssavoto ange kapala.”

“Aghaauliaa ta
ngetam va tingina
saela, me usau
komom, me ulao
tanganuem.”




lesu ghe aikaaila tale paanaka ateva me kapuna
disaepolo atoa laghe usiela, me
laghe tiu ghoala. Elome tale ateo
talia ngateae, paka kuukuu ttasi
eteva ghe lutula. Paka
kotoo atoa laghe aasuu
kaakaai tale paanaka ateva,
me lesu ghe
asekanue alokoila.



Iesu ghe liula inangariira, me ghe uela etaira va,
“Vaalua me am maamatautu, ghaunaaili aikaaiiaaimim?”
Ghe tingina saela me ghe paola kuukuu ttasi eteva tale
ateo talia ngateae, me kinatama luei eteva ghe
asola. Taumattu ngatoa tale
paanaka ateva, laghe
soghiaala me laghe ue
va, “Saa taumattu ia
taumattu ngateva oia,
ta ttasi eteva me

paamanu eteva la
nongonongo usilainia?”



Poli God ghe aaielousiangaili taumattu
tale kosa ateva oia, liuna avalua o me
ghe tau mae sio Natuna ateva, kateva
nonga ia, me see aue eaikaaiaa etana
karika aue emate, ta aue eghaa
maulue ateva etokatoka
nau ekapa atoa.



Rom 3:23 ta poli ita akapaaili ita ghe gheleila ssavoto, liuna avalua o me ita akapaaili masaueili ita tale salana ghulughuluena kannu God.

Rom 6:23 Poli aipolipolina ssavoto ateva nimate ia, me voto ateva God enim tautae mae, maulue ateva tokatoka liu ia, ie ta Karisto Iesu Vauita ia.

Hibru 9:27 Nim nongina taumattu ngatoa aue la mate katengaata, me emulina aue la tingina tale niaisakei,

Ipises 2:8,9 Poli tale maamasinaane, am ghe saangala tale niaikaaiiaa, me karika va tale sarasarakaniaaimim, ta God ghe nim tau mae sio. Karika va am ghe uunguaala va am roo tani aasake.



Rom 10:9,10 Va, arova uaulia ngaotu tale paam ateva va, “Iesu ia Vau ngepona ia,” me uaikaaiaa tale urunguitanim ateva va God ghe totuela tale nimate, aue usaanga. Poli tale urunguitanim uaiesoaa me ughulughuluena ta matane God, me tale paam ateva uaulia ngaotu me aue usaanga.

Jon 3:16,17 Poli God ghe aaielousiangaili taumattu tale kosa ateva oia, liuna avalua o me ghe tau mae sio Natuna ateva, kateva nonga ia, me see aue eaikaaiaa etana karika aue emate, ta aue eghaa maulue ateva etokatoka nau ekapa atoa. Karika va God ghe suula Natuna tani sio tale kosa ateva oia tani ghelei niaisakei ta taumattu tale kosa ateva. Ghe sungiela tani sio asaangi taumattu.



1 Jon 5:11-13 Me inangari koronna isaa avalua toko, va God ang ghe tau mae sio etaita maulue ateva tokatoka liu ia, me ia o maulue ateva, ie ta Natuna. Lo ateva eaighui tee Natuna, eghaaghaa maulue ateva. Me lo ateva karika eaighui tee Natuna ateva God, karika aue eghaa maulue ateva. Apitipiti voto toko etaimim lo atoa am aaikaaiaa tale ararina atea Natuna ateva God tani gheleiem va am rooroo tani kila va maulue ateva tokatoka liu ia, ia etaimim.



Matiu 8-9; Mak 1-2, 4; Luk 4, 8; Jon 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Mussau-Emira Bible (emi) Copyright © 2018, Wycliffe Bible
Translators, Inc. All rights reserved.

<https://live.bible.is/bible/EMIWBT/RUT/1>

©2025 Bible for Children, Inc.

www.M1914.org

www.bibleforchildren.org

